



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Theologia Universa**

Archdekin, Richard

Dilingae, 1687

Cap. III. De Impedimentis absolutionis per Reservationem, Censuram, &c.

urn:nbn:de:hbz:466:1-38477

C A P U T III.

De Impedimentis Absolutionis per Reservationem, Censuram, &c.

§. I.

Horum Declaratio.

I. Cire debet quivis Sacerdos tam secularis quam re-S
Gularis, eti si ut approbat, & ad audiendas Confessiones legitimè expositus, varia esse peccata mortalia, à quibus non possit absolvere ratione Censura, aut reservationis annexæ. Tenetur proinde Sacerdos antequam Confessarii munus exerceat, sibi comparare notitiam talium peccatorum, censurarum, ac reservationum: & in promptu habere proxim in illis poenitentem diligendi, & ad alium pro absolutione remittendi: quæ omnia in ejus commodum pro instituta brevitate hic exponemus.

II. Peccata mortalia (que sola reservantur) alia sunt reservata Summo Pontifici, alia Episcopis, alia variorum Ordinum Prælatis respectu fuorum subditorum, quæ ipsi, præcipue ex suis Constitutionibus, scire debent.

III. Quando in Confessione occurrit peccatum, quod se ferre esse illis reservatum, remittendi sunt vel ad illos, vel ad alium, qui nolletur habere potestatem à tali peccato absolvendi: suadet tamen charitas ut ipse potius Confessarius Superiorum accedat, ut veniam absolvendi eo obtineat, tacitam tamen personam, & peccato quod in Confessione audivit.

IV. Si Superior adiici non possit, & in præsenti sit causa urgens v. gr. periculum infamiae aut scandali ex omissione Confessionis, aut Communionis, potenter inferior confessarius à reservatis absolvire, admonto patiente de onere se postea Superiori sistendi. Quod etiam fieri potest etiam illud peccatum censuram reservatam annexam haberet. *Reginal. Angel. V. Confessio. n. 10. aliisque.*

V. Peccatum Superior, qui absque legitima causa difficile se præberet Confessario potenti facultatem absolvendi ab aliquo casu reservato: quia reservationem redit magis gravem & odiosem quam Ecclesia velit.

VI. De Confessario ad Regularium Confessiones deputato constat, si Superior erit facultatem neget, posse illum pro ista vice poenitentem absolvire, si ipse judicet facultatem illam concedi debere: de quo adfertur decretatio Clementis VIII. & Bulla Urbani VIII. apud *Lugo de Panit. Diff. 20. Sect. 4.* Idem licere si facultas negetur viro religioso pio, docto, ac prudenti, eti non sit ex designatis Regularium Confessariis, ut probabile tradunt 7. Autores apud *Quintan. Tract. 3. Sing. 11. Nota etiam ex Suarez, & Diana, p. 3. t. 2. Resol. 26.* Regulares posse pro una vice à reservatis absolviri sine fuorum Superiorum facultate, plures pro hoc vix reperio.

VII. Certum tamen est quando ex casu reservato, grave malum communis, au aliorum scandalum timetur, posse Superiorum negare Absolutionem, donec Penitens per se, vel Confessarium præbeat Superiori sufficientem notitiam ad illud malum evitandum: quod si nec hoc modo, nec aliter velit remedium.

dium adhibere, ob hanc culpam, tamquam ad Absolutionem indispositus, repellere debet.

VIII. Qui ignorat peccatum suum esse reservatum, aut Sacerdotem carere potestate absolvendi, si interim bona fide confiteratur, validam suscipit Absolutionem: tenetur tamen errore cognito comparere coram alio, cui peccatum illud non est reservatum. *Reginal. Busen. Prepositus aliquie.*

IX. Si Confessario verè sit probabile peccatum pœnitentis non esse reservatum, valebit Absolutio, eti à parte rei reservatum fuisse, ut patet ex adductis à *Diana p. 9. t. 9. ref. 29.*

X. Qui confiteretur Sacerdoti habenti potestatem ordinariam, aut etiam delegatam ad absolvendum à reservatis, & sine sua culpa oblitus est exponere peccatum aliquod reservatum, potest postea illud confiteri Sacerdoti inferiori, & ab eo validè absolvī. Quia in priori Absolutione sublata est reservatio per Sacerdotem, qui potuit illam auferre. *Prepositus, Maratius, Busen. Diana p. 4. t. 4. Resol. 124.*

XI. Si post debitum examen Confessarius positivè dubitet, an pœnitentia lapsus sit in mortale reservatum, cum probabile sit peccatum de quo sic dubitur non habendum pro reservato, poterit pœnitentem ab eo absolvire. Idem dicendum esti dubium sit negativum, id est, in quo pro neutra parte rationes occurruunt, probabiliter docet *Smar. Huius. Henr. Filii. Bonac. Card. Lugo de Panit. Diff. 29. Sect. 2.*

QUESTIO est singularis, quam proponit, & refolvit Card. Lugo de Panit. D. 20. Sect. 8. Num. 122. his verbis: Quando facultas conceditur ut Penitens eligat Confessarium, qui pro hac vice possit eum à Reservatis absolvire, vel Confessario datur Licentia audiendi illum, & absolvendi hac vice à Reservatis; tunc five facultas concedatur Confessario, five Pœnitenti, admitterem posse absolvī à commissis similibus post licentiam concessam: atque etiam à commissis post habitam notitiam facultatis concessa: quia concessionis verba non significant limitationem &c. Ubi specialiter notanda est ultima restrictio, qua supponit verba concessionis non significare limitationem, quam sine dubio aliquando significant & declarant: & restrictio altera, *de peccatis similibus*, five in eadem specie malitia. Cum illo sentit *Prepositus in Part. 3. Quest. 9. Dub. 3. Num. 22.* Citaturque *Ugolinus, Barbosa*, aliquo latius.

XII. **CENSURE** varia Absolutionem variè impedientur. Quod censuram *SUSPENSIONIS*, illa non impedit à percipienda Absolutione Sacramentali. Suspensionis enim est censura quæ Clericus prohibetur ab usu Ecclesiastici Officii, vel Beneficii, vel ab utroque simul; perceptio autem Absolutionis non est usus Officii, aut Beneficii. Invalidè tamen conferetur Absolutio à suspensi non tolerato tam quoad Ordinem, quam quoad jurisdictionem; & ipse conferendo contrahit insuper irregularitatem. Si autem sit suspensus toleratus, probabile est ei licitum esse absolvire, si se non ingerat, sed ab aliis ob utilitatem propriam ad hoc requiratur. Ita *Henr. Layman* cap. 4 num. 17. *Bonacina d. 3. p. 4. n. 4.*

XIII. **INTERDICTUM** quoque Absolutionem Sacramentalem non impedit in foro interno, imo neque Administrationem Sacramenti Penitentiarum, Baptismi, & Confirmationis: exceptis iis, qui interdicto causam dederunt, etiam consilio, auxilio, favore.

favore. Cum enim omnes Clerici soleant in eodem loco subesse Interdicto, non potuerunt ob communem utilitatem ea Sacraenta omnibus prohiberi.

XIV. *IRREGULARITAS* non est censura, nec obicem ponit in ordine ad suscipiendam Absolutionem Sacramentalem. Sed est tantum impedimentum Canonicum in ordine ad susceptionem sacrorum Ordinum, aut usum susceptorum: quod aliquando ex delicto v.g. ex homicidio, aliquando tantum ex defectu naturali v.g. ex carentia finis oculi, vel ex defectu natum provenire potest. Tollitur autem ab habente potestatem non per Absolutionem, sed per dispensationem, hac vel humili formâ; *Dispense tecum in irregularitate quam ob hanc N. causam incurriti.* Irregularitates singulae, cum earum expositione tractantur infra cum Sacramento Ordinis §. ultmo.

XV. *EXCOMMUNICATIO* verò cum sit censura, per quam quis privatus Communione Ecclesie, impedit valorem Absolutionis, & licet usum aliorum Sacramentorum tam paucum, quam etiam aetatum. Ni si aliquando excusat ignorantia invincibilis, vel metus mortis, infamiae, gravis jaetura bonorum, &c. Nam censura, cum sit quasi Lex Ecclesiastica, non obligat cum tanto rigore & incommodo. Casus ex quibus incurrit excommunicatione referuntur capite sequenti.

XVI. Quando autem Confessarius facultatem habet absolvendi à peccato reservato quod annexam habet excommunicationem, debet penitentem primò eximere à vinculo excommunicationis, & postea à peccato absolvere. Quia cum peccatum soleat esse Pontifici reservatum ratione tantum excommunicationis annexae, debet haec prius esse sublata, ut Absolutio à peccatis validè conferatur.

FORMULA Absolutionis à Censura in foro conscientiae hac communiter usurpari solet. *Ego te abservo à vinculo v.gr. excommunicationis, suffragensis &c. quam incurriti propter hanc causam N. (si sit excommunicatus additur) & restitu Te Sacramento Ecclesie, & Communioni fidelium (si sit suspensus) executioni tuorum ordinum, vel officiorum, vel beneficiorum: In nomine Patris, & Fili, & Spiritus sancti, Amen.*

QUÆRES, A quo possit ferri Censura, & quis modus requiratur?

RESP. Censuram ferre potest solus Superior Ecclesiasticus, habens in foro externo jurisdictionem sive ordinariam, sive delegatam. Ut censura lata sit *valida*, præter legitimam ferentis jurisdictionem, debet servari substantialis ordo judicii, quando non à jure, sed ab homine fertur censura per sententiam particulariem. Primò itaque requiritur ut citetur Reus, & moneatur sub comminatione censura; quia aliás non est contumax, nisi recusat obtemperare. 2. Necessaria est à parte rei iusta causa de qua reus sit convictus: vel causa qua etiā non subsistat, à parte rei tamen satis probata fuit secundum allegationes fortis externi: & in hoc casu etiam innocens debet censuram observare in foro externo ad scandalum evitandum.

Ut autem censura sit *licita*, monitio Canonica debet esse triplex, vel ob justam causam una tribus æquivalens. 2. Debet ex scripto recitari. 3. Exprimi debet causa censuræ. 4. Reo perenti exemplum Scripturæ intra mensem tradi debet; alioqui ipse Judex à diuinis officiis suspenditur.

Sed quia Confessarius nihil horum in præscientia, aut exequi poterit; nisi in particulari cognoscatur casus, aut peccata sint reservata, & qualiter ex jure confitetur annexam, ea hic ad brevem, & difficiū ordinem contrahemus.

§. II.

Quinam Casus censantur Episcopis reservati.

Quinque Casus enumerat Lezana, verbo, *Casus reservati num. 2.* qui communiter dicuntur Episcopales. Nempe, peccatum habens de jure annexam penitentiam publicam, aut excommunicationem majorem, aut irregularitatem, nec non peccatum incediarum, & publica blasphemia. Docet tamen cum aliis ibidem Lezana ex solo jure communione illud esse casum Episcopis reservatum. Casus igitur Episcopales potius erunt illi, qui vel ex confusione, vel expresa eorum voluntate illis referuantur.

In Belgio ab Archiepiscopo Mechliniensis expresse reservantur casus sequentes. Raptus Virginum. Homicidium. Incendium deliberata voluntate procustum. Simonia. Sodomia. Heres. Apostasia. Institus cum consanguineis, aut Sanctionalibus. Ilegitio manuum violentia deliberato proposito cum lesione in Parentes. Sortilegium. Adulterium nonnullum. Addunt, & omnia delicta habentia excommunicationem majorem annexam; ac quæ sunt prædicti graviora. Casus hi omnes reservantur etiam ab Episcopis Antverpiensi, Gandensi, Burgeni, Irenensi, & Ruremundano. Nam Pastorali ad ultimam totius illæ Provinciæ edito inseruntur. Irenensis insuper referunt sibi Casum Sacilegii; & Mechliniensis peccatum causis Complicis opere completum, sic ut Confessio complex non possit ab eo absolvere. Hunc etiam Casum etiam Antverpiensis modo reservat. Prædicti casus omnes, ut memoria promptius occurram, Theologus noster sic nitidè expressit:

Incestus, Raptus, Sodomita, & notus Adulter, Incendens, Perimens, Percussor, &que parentum, Sortilegius, Scelator, Apostata, & impius Empt: Sacilegius servatur Ipre. Complexusque Malum, Nunc etiam Advocata Complex fert vincula Matri

In his, ubi actu reservantur, pro absolutione recessendum est ad Episcopos, aut alios quos ipsi ad Causam etiam Episcopales approbant, aut designant. An vero Ordines Mendicantes vi suorum privilegiorum possint hodie in Belgio à casibus Ordinario reservatis absolvere, disputat cum quibusdam alii Franciscus Bonn Spei de Penit. Diff. 10. num. 48. ubi pro parte affirmativa citat novem Recentiores, qui illam probant, non quia inquinunt, prohibitions factæ ante Urbanum VIII anno 1628. sunt tantum pro Italia: tam quia hec Urbanus VIII. prohibito, tantum est, ne Regulares absolvant in vim privilegiorum illis ante Tridentinum concessorum, vel post confirmatorum; est autem inquinunt, privilegium Pauli III. & Pauli V. uni Ordini, cum quo alii Mendicantes communicant, concessum de novo, & non solum in confirmationem, post Tridentinum, absolvendi ab illis casibus: tum denique, ajunt, quia Bulla Coenæ, & decreta S. Congregations, Mendicantium privilegia desuper revocantur, non sunt in Bel-

in Belgio promulgata. Verum ipse Bonae Specis *sopra*, negotiavam sententiam sustinet, maximè ob specialem Urbani VIII. declarationem, quam citat, & Alexandri VII. censurantis oppositum inter Propositiones sibi à Regulibus diocesis Andegavensis propositas 30. Januarii 1659. His addo ejusdem Alexandri propositionem 12. inter prohibitas anno 1665.

§. III.

Expositio brevis maximèque commoda, Casuum Episcopis reservatorum.

In gratiam Curatorum hujus Diocesis, aliorumque, I adjungo precedentium Casuum expositionem, non nisi compendiosam & communem, quā multum immūnū potest sollicitudo in discernenda actionum particularium reservatione, dum in Pénitentie tribunali occurunt: ne aliquando accipiuntur Reservata pro non reservatis, aut contra, cum magno Pénitentis & Confessarii incommodo; sed salvo in his singulis Majorum judicio, sicuti aliter sentirent. Procedam autem ex ordine quo Casus illi superiorius recententur.

Raptus virginum est ablatio, qua fœmina talis violenter, contra suam voluntatem, aut eorum sub quorum potestate erat, de uno loco trahitur ad alium, sive ad copulam tantum carnalem, sive etiam ad ducendum in uxorem. Unde sequitur primo, non incurti hunc casum reservatum, si puella absque violentia, tantum pretio, aut blanditiis inducta sequitur follificantem: quia sic non est propriè raptus. Si tamen vis adhibeatur, quamvis ipsa non sit invita, sed inviti sint parentes quibus subest, aut curator, aut sponsus, tunc verè est raptus, & hic casus incurrit. 2. Si quis vim pueræ inculit, sed à loco suo non abduxit, non est raptus, sed stuprum, ex sententia communiori. 3. Raptum hunc etiam non incurrit sponsus, qui virginem sibi legitimè desponsavit, si violentem per vim invitis parentibus abduxit ex domo paterna, & rem eum ea habuit, si nullo alio modo sponsam sibi debitam habere potuit. Quia, licet graviter peccavit eam sic deflorando & abducendo, hoc tamen in jure non censerter raptus, eo quod ex desponsatione jus illi competebat, ut sponsam sibi ad nuprias haberet. Ita Doctores passim, qui citant etiam responsum Alexandri III. in capite *cum causam*, de raptoribus, id non esse propriè raptum, neque etiam matrimonio impedimentum præbere. Casum raptus non evadit, qui per alios virginem ad se rapi curavit. Nota denique, et si puella rapta, jam esset restituta, & omnia utrimque redintegrata, non posse tamen adhuc raptorem absolviri, nisi ad Episcopum recurrit, quia equidem casum reservatum rapiendo antea incurrit.

Homicidium, est voluntaria, & injusta hominis occiso. Non reservatur homicidium casuale, sive causa aliquo commissum: non etiam factum in furore, amentia, aut ebrietate plena, rationis usum auferente: neque etiam patratus sine advertentia & consensu sufficienti ad peccatum mortale. Voluntas interna occidendi quantumvis absoluta, & mortalis, et iam armis fuerint ad occidendum parata; & infidiae structæ, non secuto effectu, non reservantur. Si quis volens alterum occidere, sclopi glande, aut gladio, aliō instrumento cum graviter vulneraverit, pcc-

catum non est reservatum, si mors postea inde secuta non fuerit. Qui occidit iniquum aggressorem vita, aut fortunarium suarum, cum moderamine inculpatæ tutelæ, non incurrit casum reservatum: neque famulus qui in hoc Domino suo cooperatur. Incurrit autem hanc reservationem qui alteri vitam auferit per venenum, aut maleficium: item, qui procurat abortum fecerunt animati: quia is verè homicidium committit. Idem dicendum de eo qui ad alterius mortem, quantumvis occulte, causam efficacem posuit effectu secuto. Sed non incurrit miles, qui in bello justo etiam innocentem occidit, volens tantum hostem occidere.

Incendium, quod fuit deliberata voluntate procuratum. Hinc ad incurandum hanc reservationem non sufficit, ex negligencia, aut temeritate incendio causam prebuisse. Neque incendium ab alio malitiose possum extinguerre nolle, et si id possit: aut etiam ponendum non impedit. Quia et si tales graviter peccent, non sunt tamen proprie incendiarii. Videntur tamen hanc reservationem incurrire, qui incendium efficaciter mandant, aut ad hoc alios adhibent: quia hoc est verè incendium voluntariè procurare. An vero idem sit de illis qui consilio, vel auxilio remotè concurrerunt, non satis colligitur ex illis verbis, incendium deliberata voluntate procuratum, cum plerumque ubi tales comprehendendi sunt, addi soleat: qui etiam consilium, vel auxilium impenderint. Ceterum excommunicatio & reservatio Pontificia in *Cap. Tua nos, de sent. excom. in sexto*, dicitur lata in incendiarios, qui postquam sunt per Ecclesias sententiam publicati, pro absolutionis beneficio ad Sedem Apostolicam sunt mittendi. Quam publicationem non existimo hic ad reservacionem Episcopalem requiri.

Simonia, est qualibet studiosa voluntas emendi, aut vendendi pretio temporali aliquid spirituale, aut spirituali annexum: &c. Ut haec censeatur reservata, debet voluntas illa prodire in actum externum, & simoniæ completere. Signum simoniæ complete inter alia est contractus utrumque initus. Viderit omnis simonia externa & completa hic reservari. Cum autem in tali simonia non detur levitas materiæ, tantum contingit illam non reservari ex actus imperfectione, aut ex ignorantia. Simonia realis in beneficio Ecclesiastico est etiam Pontifici reservata. Quibus vero in casibus peccatum simoniæ in particuli committatur, reperies deductum infra de Praeceptis cap. 12.

Sodomia, est congressus contra naturam & strictius sumpta, est congressus duorum ejusdem sexus, ut maris cum mare, vel fœmina cum fœmina. Non incurrit hunc casum servatum qui in se procurat pollutionem, etiam adhuc operâ alterius cujuscumque sexus per solos contactus manuum, aut aliorum membrorum sine congressu carnali. Incurrit autem certò si duo ejusdem sexus inter se commisceantur, masculus cum masculo, aut fœmina cum fœmina, qui est modus admodum turpis & præposterus, & ad generationem non ordinatus. Sunt qui existimant, per casum Sodomia non reservari copulam præpostera viri cum muliere, ut si maritus cum uxore extra vas debitum commisceatur, quia tunc non est illa identitas sexus, quam ad Sodomiam propriè dictam requirunt, quæ majorem habet defor-

deformitatem. Verius tamen videtur Casum illum pro vera Sodomia reputandum esse, & sic eam appellat Cajetanus in *summa ver. Sodomia*, item Emmanuel Sà ver. *Luxuria*. Lessius lib. 4. cap. 3. dub. 13. Covar. de *sponsal.* p. 2. cap. 7. Certum est hunc casum reservatum incurri per peccatum bestialis, quâ homo cum quacumque bestia commiscetur: etiam ex hoc capite, quod hoc peccatum sit gravius, quam Sodoma quæ cum homine committitur: item per concubitum cum Dæmone in corpore assumpto. Certum denique est, hunc casum non incurri inter conjuges si modus congregandi sit preposterus, sed non extra vias in homine ad copulam ordinatum. Inter alias penas Sodomitæ, si fuerit Clericus, omni privilegio clericali, officio, beneficio, dignitate prævatus degradatur, & brachio seculari traditur, apud Navatrum cap. 27. num. 249.

Hæresis, est error intellectus Fidei Catholice contrarius, ab eo qui Christum profitetur, cum pertinacia assertus. Ex hac definitione patet, illum non incurrire Casum reservatum hæresis, qui est Judæus aut Paganus, qui in Christum non crediderunt: quia illi non dicuntur hæretici, sed infideles. Centerur ille cum pertinacia errore afferre, qui sciens illum esse contra fidem Ecclesia Catholica, nihilominus illi assentitur, eumque afferit.

Incidunt igitur in hunc Casum omnesilli, qui hæresim, quam in corde latenter habent, aliquo signo exterius sufficienter manifestant, sive verbo, sive scripto, etiam nutu. Idem est de illis qui hæretici tantum implicitè adhærent, credendo pertinaciter vera esse qua illi docent, quamvis in specie nesciant quid illi teneant. Incidunt etiam qui in aliquo articulo fidei positivè dubitant, sic ut parati non sint dubium deponere si melius instruantur; quia tales non habent, nec habere volunt illum assentum firmum, quem fides ex sua ratione formaliter requirit. Non incident tamen qui dubitant ex ignorantia, vel ex infirmitate, ex eo quod dubitationem subortam ab imaginatione sua expellere nequeant, et si non deficit voluntas per meliorem instructionem eam repellendi.

Non censentur hac reservatione comprehendendi, qui solum, sive lucri, aut alia passione vici, aliquid exterius fecerunt in fidei præjudicium, ut imagines Sanctorum deponere, aut eas male tractare. Quia quamvis graviter peccaverint, non deposituerunt tamen fidem internam, nec habuerunt errorem intellectus, qui ad hæresim requiritur, uti pater supra ex illius definitione. Neque comprehenduntur qui interius in animo adhaerent aliquibus erroribus v. gr. Lutheri, aut Calvinii, si errores illos nullo plane signo exteriori manifestarunt. Tum quia hæresis illa in ordine ad reservationem non censetur completa: tum quia Ecclesia actus merè internos judicare & punire non solet, ut paucum docent tam Theologii, quam Canonistæ. Idem judicandum est de illis qui hereticorum conciones audiverunt, modò in animo fidem sat firmam retinuerunt. Quia eti graviter peccaverint, si se hæresis periculo exposuerint, per hoc tamen heretici non fuerunt.

Per hunc Casum non reservatur Episcopo lectio librorum hereticorum: reservatur tamen Pontifici tam hæresis, quam librorum hereticorum lectio, retentio, impressio, in *Bulla Cœna Art. 1.* De quibus

plura, & alia ad hæresim pertinentia reperies infra, Part. III. Tract. VI. Quest. 12. Item, praxim Hærenos Ecclesiæ reconciliandi, Part. III. Tract. III. Cap. 8.

Apostasia, est defectio à fide, à religione, vel ab ordine. De Apostasia à Fide quomodo referetur jam diximus: nam hæc ab Hæresi tantum sit differt in eo, quod illa sit totalis defectio à Christo, hæresis vero ab aliquo, vel aliquibus punctis fidis. Apostasia à Religione dicitur, quando professus quisvis modo, Religionem approbatam deserit sine conscientia cum intentione non redeundi ad illam, vel laicam, sed ducenti vitam laicalem, vel clericalem in seculo. Dixi, professus quisvis modo, quia ad apostasiam non requiritur in omnibus professio solent. Apostasia ab Ordine dicitur, per quam Clericus a facris constitutus deserit habitum clericalem ut mox Laici vivat: vel tali animo constitutus in Minoribus cum beneficio, non deserit insignia clericatus. Dum ut more Laici vivat, quia Clericus etiam in factis constitutus, si habitum dimittat sine causa, et si go- viter peccet, imo ipso facto beneficio excedat, et *Constitut. Sixti V.* non censetur tamen apostata, quamdiu habet animum habitum clericalem memendi. Non incurrit etiam hanc reservationem Clericus qui cum beneficio gerit quidem habitum tonsuram, sed cum animo dimittendi, & mortale vivendi, cum beneficio. Quia quamvis intentio sit apostata, non ponit actum externum qui ad reservationem requiri solet. Extat etiam pena excommunicationis contra eum qui Apostasiam reciprocavit, aut defendit.

Incestus, cum consanguineis, aut Sanctimonialibus: quamvis incestus generice sit carnis commixtio cum consanguinea, aut affine usque ad quantum gradum, hic tamen reservatur tantum inde illi qui committitur cum consanguineis, non tamen cum affine, quod bene notandum. Porro ad nostrum proprium dictum requiritur à Theologo commixtio perfecta, sive, in vase à natura adulterium ordinato. Hinc reservatio hac non intentur, si quis habuerit cum consanguineis naturales pudicos, aut effusione feminis extra vas naturale, quia quamvis per hæc valde graviter peccetur, non sunt tamen incestus, ut pater ex definitione ipsius. Ob eamdem rationem, non subjetur huic reservacioni attentatio, & conatus copulam consummandi cum consanguinea, si in re copula non sit secuta, utrū impuberis, aut alios qui per ætatem seminarū possunt.

Ut incestus cum Sanctimoniali censetur complectus & reservatus, requiruntur eadem quæ diximus de consanguinea. Per Sanctimoniale intellige quoniam in Ordine aliquo approbato professus: quod si incestus admittatur intra septa Monasterii, incunabula excommunicatio Pontifici reservata per Gregorium XIII. anno 1575.

Injectio manuum violenta, deliberato propulsio, cum lassione in parentes. Hac itaque reservatio non curritur ubi non concurrunt hæc tria, violentia amissio, deliberatus, & corporalis lesio parentis. Per Parentes hic non tantum intelligitur pater & mater, sed etiam iugitus, & avia, & superiores auctentes, uti satis parentes. *L. appellatione parentum*, ff. de verborum signific. Venerabunt enim ex ultimo non comprehendere respectu viri patrem & matrem, avum & aviam suæ uxoris: uti nec nomine parentis.

patris vitricum, aut nomine matris novercam, nisi servans declaraverit se velle nomen Parentum ad illos etiam extenderet, qui constat reservationem strictè interpretandam esse; & in dubio, de illa facta non praesum. Per injectionem manuum intelligitur etiam ea lesio quae sit per pedes, brachia, & alias corporis partes nam nomen manuum non exprimitur ut alia membra excludantur, sed quia manus sunt ordinarium instrumentum percussione, & lesionis. Neque requiritur, ut lesio fiat per manum aut pedem immediate, sed sufficit fieri mediatae per baculum, lapidem, sclopum, aliudve instrumentum. Neque necessarium videtur ulla lesio fit gravis, quia lesio etiam levissima cum liberatione & violentia, respectu parentum censetur gravis injuria, & reservatione digna. Ab hac etiam non excusat quod parentes malè agendo lesionem illuminerit fuerint. Quia ad filium aut filiam minime pertinet parentes etiam meritos punire.

Excusat tamen ab hac reservatione, qui parentem lesit in se immodico furore saevientem, aut mortem intentantem, si tantum fecit quod necessarium erat ad sui defensionem, & periculum fugā, aut alio modo vitare non potuit. Item, qui ex iubita iracundia posuit actionem qua parentem lædendam minimē putavit: aut qui ledere quidem voluit, non tamen actū lesit. Hunc casum non reperio inter Pontificios, sed solum Episcopo reservatum.

Sorilegium, est superstitione quedam divinatio, quæ fit per sortes ad aliquid futurum, vel occultum cognoscendum: ut si quis ex actu & dispositione alicuius vel divinitate de aliquo vitalonga, aut brevi, de successu in iheris, aut alterius negotii. In his gravis malitia est, & meritò reservata, quando sic fiunt ut fortibus vis aliqua divina inesse credatur ad revealandum occultos rerum eventus. Sortes illa aliquando dicuntur consultorie, ex quibus quasi consultur quid in hac, vel illa re ambigua agendum sit, ut, an eligendus aut ille status, an incedundus hic aut ille contraria, & sic de aliis actionibus suis, aut alienis. Possunt tamen aliquando fortissima sine peccato, adeoque sine reservatione adhiberi, quando non ob virtutem quasi adjunctam fortibus, sed mere usurpantur ad tollendum dubium, quod video alio modo non auferendum: ut si ad aliquid iter, velexpeditionem profecturus, neficiam quos ex multis mihi socios adjungam, ne cogar continuo dubius hædere, decernam illos eligere, qui ex urna calculos tantum albos extrahent, sepulso in aliis ex hoc electionis modo scandali periculo. Sortes etiam aliae sunt divisoriae, in quibus si non collocetur virtus aliqua quasi divina, vel commercium cum damone, usurpari possunt sine peccato, sive ad hereditatis divisionem, sive ad litis compositionem, cum partium consensu. Quia nihil creditur illis inesse virtutis, nisi liberam determinacionem, sive contractum illorum qui ad rem illam ius habent, ut sit illius in quem fors cediderit. Aliae sunt species superstitionis, beneficium, maleficium, incantatio &c. que in nomine sortilegii, non comprehenduntur, de quibus agitur infra Part. III. Tract. V. Cap. i.

Adulterium notorium. Hic non comprehenditur quodlibet adulterium, etiam si completum, & perfectum. Hinc a quovis adulterio occulto potest per se absolvere Parochus, aut aliis ad hoc Confessarius legitimus. Tantum igitur per hunc casum re-

R. P. Arnsdekk. Tom. II.

servatur Episcopo adulterium, quod ad aliorum notitiam devenit, et si non sit omnino publicum, aut in judicio probatum. Unde hoc peccatum, cum in se completum, & exterius notorium esse debeat, facile a quovis adulterio occulto discerni potest. Hic addo, quod de his in *Synodo Antwerpensi tit. 5. de Sacram. Panis. cap. 7.* decernitur, ut a casibus Episcopo reservatis, quando crimina notoria non sunt, absolvere possint omnes Pastores, & Superiores Ordinum qui exterritorum Confessiones audire solent.

Complex, est hic persona quae in actu carnali cum Confessario illo peccavit; quam proinde per hanc reservationem, idem Confessarius non potest validè ab isto peccato absolvere. Potest tamen absolvere eandem personam, aut aliam, pro eo tempore quanto cum alio suo Confessario carnaliter peccavit. Peccatum hoc complicis, prout verba sonare videntur, ut censeatur reservatum, non requirit, ut copula intervenerit, sed tantum ut fuerit peccatum carnale exterritorum omnino grave ad copulam adducens, quales essent actus graviter impudici, aut alii actus externi, & prout externi, mortaliter peccaminosi ad copulam tendentes. Tam detestabile, & noxiun est hoc peccatum, ut meritò vocetur incestus sacrilegus, ut pote inter patrem, & filiam spiritualem: ideoque secundum antiquos canones pro pena talis copula decreta fuit peregrinatio 22. annorum, ex prescripto Cœlestini Papæ, ut habetur Tom. I. Concil. fol. 157.

Ex premissa Expositione casuum *Episcopalinum*, facilius etiam discernes, quomodo procedendum sit circa Casus sequentes *PONTIFICI* reservatos, dum circa illos actiones particulares occurront. Porro, quando a casibus Pontifici reservatis possint etiam *Episcopi* absolvere, repertis infra Cap. 4. in fine.

C A P U T IV.

Casus & Excommunicationes Pontifici reservatae.

§. I.

Reservata in Bulla Cœne Domini.

Prima est, Excommunicatio in Hæreticos cuiuscumque Sectæ: eorumdem fautores, libriōrum legentes, tenentes, aut imprimentes; atque in schismatiscos.

Secunda in appellantes ad futurum Concilium, ac eorum fautores.

Tertia, in Piratas, & eorum receptatores, atque fautores.

Quarta, in eos, qui naufragorum Christianorum cuiuscumque generis bona etiam in littoribus inventa surripiunt.

Quinta, in imponentes nova pedagia & gabellas, vel augentes.

Sexta, in falsificantes litteras Apostolicas, aut Supplicationes à quoconque auctoritate habente signatas, aut falsè fabricantes litteras Apostolicas.

Septima, in deferentes arma, aut alia usui bellico idonea ad Tureas, aut alios Christiani nominis inimicos: vel ad Christianæ reipub. statum pertinentia illorum in damnum Christianorum annunciantes.

Octava, in impediens eos, qui viualia, & alia necessaria ad Romanam Curiam convehunt.

V

Nona,